



DOMOWINA

TOP 1.

Načisk protokola zjawneho dźěla konstituowaceho posedženja Zwjazkowego předsydstwa Domowiny

datum:	pjatk, 11.04.2025
čas:	16.30 hodź. – 20.00 hodź.
městnosć:	žurla Serbskeho domu w Budyšinje
přitomni na městnje:	D. Statnik, M. Młynkowa, B. Benada, B. Bělk, J. Bělk, B. Cyž, J.-M. Čornakec, R. Dźisławk, J. Glücklich, M. Hančik, A. Hiccyna, J. Kliman, C. Měršowa, J. Ryčer, T. Suchy, D. Wowčerjowa, M. Wróblowa
digitalnje přitomni:	F. Albertowa, M. Dubianojc, A. Šurmanowa, Š. Kušcyc, dr. H. Leipner, K. Strukowa
zamołwjeni:	M. Hasacki, M. Brycka, S. Hejduška, M. Mark
hosćo na městnje:	J. Šołćina, M. Di Sarnowa, B. Šimanec, B. Žurowa za dypk 2: dr. B. Brězanowa, P. Brězan, K. Liznarjec, R. Krügerowa, M. Hajnkec, C. Škoda, D. Pawlikowa, K. Suchec-Dźisławkowa
digitalnje:	K. Jurkowa, B. Hančikowa, A. Apeltowa

0.	Zahajenje posedženja, witanje		
	Zwěšćenje přitomosće a zamołwjenjow / zwěšćenje wobzamknjenjakmanosće / schwalenje dnjoweho porjada / zwěšćenje zajatosće		
	Wot cyłkownje 27 člonow zwjazkowego předsydstwa je 21 přitomnych = 77,8 % .		
	Z tym je wobzamknjenjakmanosć zaručena.		
	<u>Wobzamknjenje č. 1 z dnja 11.04.2025:</u>		
	Dnjowy porjad zjawneho dźěla konstituowaceho posedženja zwjazkowego předsydstwa so schwali.		
	Wuslědk wothłosowanja:		
	za namjet: 21	přećiwo namjetej: 0	so hłosa wzda: 0
	Namjet so z tym přiwza.		
	Wot 16.40 hodź. D. Wowčerjowa přitomna, z tym je 22 člonow přitomnych.		

1.	Informacije – džěl 1 Čłonojo zwjazkowego předsydstwa so mjez sobu předstaja. Wot 17.00 hodź. M. Hančik přitomny, z tym je 23 čłonow přitomnych = 85,2 % .
2.	Informacije – džěl 2 Zarjad Domowiny so předstaji. J. Šołćina wjedže přez fotowu prezentaciju wšitkich přistajenych Hornjeje a Delnjeje Łužicy zarjada Domowiny, wotrjada RCW, teama ZARI a Mjeńšinoweho sekretariata w Berlinje. Přitomni přistajeni so skrótka předstaja.
3.	Informacije – džěl 3 Předsyda předstaji přitomnym zakłady džěławosće w zwjazkowym předsydstwje. Při tym pokaza na prawniske předpisy, wustawki, porjady, nowy program a džělowe směrnicy 2025 – 2027. Dale předstaji wón organy a gremije Domowiny. Rozkładže čłonom gremija, kotre winowatosće a prawa maja a kak gremij wothłosuje a rozsudy tworí. Předsyda pokaza na to, zo měli so čłonojo prawidłownje ze swojimi župami/towarstwami wo wobsahach zjawnych džělow wuměnjeć. Pokaza dale na to, zo maja čłonojo wo wobsahach njezjawnych džělow mjelčeć. Prosy wo zamołwjenje, jeli so čłon/čłonka ZP raz na posedženju wobdźělić njemóže.
4.	Předstawy čłonow wo džěławosći ZP wot 2025-2029: ćežišća a wužadanja Někotři čłonojo wuprajachu so wo swoich předstawach džěławosće gremija. Přece jednoho čłona je na přikład nic jenož hornjoserbšćinu, ale tež delnjoserbšćinu wužiwać. Čłonka zwjazkowego předsydstwa posylnja nowych čłonow z tym, zo praji, zo dohlad do wobšěrných temow po času přińdže. Wažne je prašenja stajeć, jeli su njejasnosće. Dalši čłon chwali přihotowanski team za dobry a profesionelny přihot a přewjedženje hłownje zhromadźizny. Knježeše dobra atmosfera a interaktiwna rozprawa měła so w přichodže wospjetować. Čłonka zwjazkowego předsydstwa zwurazni přesłapjenje nastupajo rozprawnistwo wo hłownej zhromadźiznje w Serbskich Nowinach, kiž bě za nju degraděrowanje delegatow.
5.	Posedženske terminy w lěće 2025 Předsyda prosy wo to, zo sej čłonojo terminy posedženjow hač do kónca lěta do swoich protykwow zapisaja. Zarjad sćeje k tomu outlook-terminy. Termin za klawturne posedženje zwjazkowego předsydstwa je wotewrjeny. Wothłosuje so wo tym, hač přewjedu so posedženja zwjazkowego předsydstwa w nowej legislaturnej periodže na pjatkach abo sobotach. Wuslědk wothłosowanja: pjatk: 21 sobota: 1

6.	Protokol zjawneho džela 22. (rjadneho) posedženja dnja 14.03.2025 w Chrósćicach K protokolej njejsu žane přispomnjenja.
7.	Diskusija wo dželawosći ZP a wo wutworjenju dželowych wuběrkow (w skupinach) Po § 11 jednanskeho porjada zwjazkowego předsydstwa wutwori zwjazkowe předsydstwo dželowe wuběrki. We wólbnej dobje 2021 – 2025 mějachmy slědowace wuběrki: • wuběrk za kubłanje • wuběrk za kulturu a wuměłstwo • wuběrk za politiske a prawniske naležnosće • wuběrk za zjawnostne a wukrajne dželo • wuběrk za naležnosće strukturneje změny, hospodarstwo a infrastrukturu • wuběrk za nutřkownu demokratiju a serbsku ciwilnu towaršnosť Dotal mamy slědowace namjety za wuběrki noweje wólbneje doby: • Wysokosć mytowanjow (hač do 12/2025) • Dom Měrcina Nowaka-Njechorńskeho (najprjedy hač do 12/2025) • Myto za hospodarstwo (wot 01/2026 – 2029) • wuběrk za politiske a prawniske naležnosće (2025-2029) Sćěhuje diskusija w štyrjoch skupinach ze slědowacymi prašenjemi: Chce zwjazkowe předsydstwo dželać w postajenych wobsahowych wuběrkach? Chce ZP dželać skerje we wuběrkach, kiž so po potrebjce k wěstej temje wutworja (nadawki a časowu dobu postaji ZP)? Kotre wuběrki dyrbjeli w cyłej wólbnej dobje skutkować (2025 – 2029)? Wuslědki diskusijnych kołow: • trěbne su wuběrki po potrebjce k wěstym temam • stajne, nachwilne a lokalne wuběrki • poměr mjez kubłanišcom a staršimi – z tym dyrbjeli so zaběrać • jako stajne wuběrki su trěbne: hospodarski wuběrk, politiski a prawniski wuběrk, zjawnostne dželo, ciwilna towaršnosť we Łužicy • šulstwo: mamy struktury a gremije, kiž so ze šulskimi temami zaběraja • dželowe směrnicy: rozrjadowanje zamołwitosćow, kotre směrnicy móhli so w tematiskich wuběrkach rozdźelić • wobkedźbować časowy faktor (lětsa hišće tři posedženja ZP) • w jednanskim porjedže ewtl. šmórnyć, zo ma položca wuběrka wobstać z čłonow ZP • kubłanski wuběrk: wobluk wuběrka pomjeńšić, na př. rěčne planowanie • nachwilne wuběrki: ○ Wysokosć dotěrowanja mytowanjow ○ Dom Měrcina Nowaka-Njechorńskeho • wuběrk za rěčny marketing • wuběrk za dobywanje dorosta za serbske gremije a dželowe městna • wuběrki měli so regionalnje wusměrić, za to tež regionalnych akterow přeprosyc Namjetuje so, wothłosowanje přihotować, hač a kotre wuběrki chcemy wutworić. Za to móhli tež wokolne wothłosowanje přewjesć. Zarjad Domowiny přihotuje k tomu namjet.

Po protokolu prezidija z dnja 08.02.2017 maja so informacije zasadnje pisomnje a dočasne članam prezidija posredkować. Po protokolu ZP z dnja 29.04.2017 ma so posedženski čas gremijow na 4,5 hodžinow wobmjezować a měło so posedženje najpozdžišo 22.00 hodžin skónčić.

protokol:	B. Žurowa
přehladałoj:	M. Di Sarnowa, D. Statnik



DOMOWINA

TOP 5.1.

Pśedłoga cysło ZP 1/2025

**za 1. (pórědne) pósejženje Zwězkowego pśedsedařstwa Domowiny
dnja 13.06.2025 we Wórzejchach**

Zapódař pśedłogi:

prezidium Domowiny

Awtorka pśedłogi:

Madlenka Di Sarnowa, referentka

Nastupność (pśedmjat wobradowanja): Pomjenjenje zastupnikow Domowiny w
póražujucem wuběrku za pšašanja serbskego
luda zboka Zwězkowego ministrařstwa
nutšikownego (BMI)

Slěd wobjadnanja pśedmjata pśedłogi:

gremium resp. organ Domowiny	datum	wuslědk wobradowanja resp. dopórucenje
prezidium	7.5.25	dopórucenje k wobzamknjenju
zwězkowe pśedsedařstwo		

Naraženje za wobzamknjenje:

Zwězkowe pśedsedařstwo Domowiny wobzamknjo:

**Za sobužěło w póražujucem wuběrku za pšašanja serbskego luda zboka Zwězkowego
ministrařstwa nutšikownego (BMI) su pomjenjone slědujuće zastupniki serbskego luda:**

ako ředne cłonki:


1. Dawid Statnik
2. Dr. Hartmut Leipner
3. Marlis Młynkowa

ako zastupniki:

1. Judit Šołćina
2. Marcus Końcař
3. Madlenka Di Sarnowa


Zestawa plaši až do kónca wólbneje doby zwězkowego pśedsedařstwa 2025-2029.

datum: 23.04.2025


pódpismo zapódarja

Financne wustatkowanja wobzamknjenja: pó plašecem pórěže

Financěrujobność jo se pśepytowała:


(datum a pódpismo referenta resp. jadnarja)

Wuslědk wótgłosowanja:

za naraženje:

pšešiwu naraženju:

głosa zdžaržanje/-i/-a::



DOMOWINA

TOP 5.2. – 1.

Předłoha č. ZP 2/2025

**za 1. (rjadne) posedženje Zwjazkowneho předsydstwa Domowiny
dnja 13.06.2025 we Wojerecach**

Zapodačelka předłohi:

prezidij Domowiny

Awtorka předłohi:

Madlenka Di Sarnowa, referentka

Nastupa (předmjat wuradźowanja):

**Delegowanje zastupjerjow Domowiny do
Mjeńšinoweje rady Němskeje**

Slěd wobjednanja předmjeta předłohi:

gremij resp. organ Domowiny	datum	wuslědk wuradźowanja resp. doporučenje
prezidij	7.5.25	doporučenje k schwalenju
zwjazkowe předsydstwo		

Namjet za wobzamknjenje:

Zwjazkowe předsydstwo Domowiny wobzamkne:

**(1) Zwjazkowe předsydstwo deleguje slědowacych zastupjerjow Domowiny za dobu
2025 do 2029 do Mjeńšinoweje rady Němskeje:**

- Dawid Statnik předsyda Domowiny
- Judit Šolćina jednačelka Domowiny, zastupjerka Hornjeje Łužicy
- dr. Hartmut Leipner zastupjer Delnjeje Łužicy

(2) Zastupjerka a zastupjerjej maja prawidłownje wo swojim skutkowanju rozprawjeć.

datum: 23.04.2025

podpismo zapodačela

Financne wuskutki wobzamknjenja: na zakładže hospodarskeho plana

Financujomnosć je so pruwowała: (datum a podpismo jednačelstwa, resp. referenta)

Wuslědk wothłosowanja:

za namjet:

přećiwo namjetej:

hłosawzdaće/a:



DOMOWINA

TOP 5.3.

Pśedłoga cysło ZP 5/2025

**za 1. (pórědne) pósejženje Zwězkowego pśedsedařstwa Domowiny
dnja 13.06.2025 we Wórzejcach**

Zapódař pśedłogi:

prezidium Domowiny

Awtorka pśedłogi:

Madlenka Di Sarnowa, referentka

**Nastupność (pśedmjat wobradowanja): Pódpěra kandidatury Hartmuta Leipnera za
FUEN-prezidium**

Slěd wobjadnanja pśedmjata pśedłogi:


gremium resp. organ Domowiny	datum	wuslědk wobradowanja resp. dopórucenje
prezidium	7.5.25	dopórucenje k wobzamknjenju
zwězkowe pśedsedarstwo		

Naraženje za wobzamknjenje:


Zwězkowe pśedsedařstwo Domowiny wobzamknjo:

**Zwězkowe pśedsedařstwo pódpěrujo kandidaturu zastupjucego pśedsedarja
Domowiny, dr. Hartmuta Leipnera, za wólby do FUEN-prezidiuma w ramiku FUEN-
kongresa nazymu 2025.**

datum: 28.04.2025


pódpismo zapódarja

Financne wustatkowanja wobzamknjenja: po hospodarskim planje



Financěrujobność jo se pśepytowała: (datum a pódpismo referenta resp. jadnarja)

Wuslědk wótgłosowanja:

za naraženje:

pśešiwo naraženju:

głosa zdžaržanje/-i/-a::



DOMOWINA

TOP 5.4.

**Předłoha č. ZP 8/2025
za 1. posedženje Zwjazkoweho předsydstwa Domowiny
dnja 13.06.2025 we Wojerecach**

Zapodačel předłohi: Clemens Škoda, referent

Awtorka předłohi: Madlenka Di Sarnowa, referentka

Nastupa (předmjet wuradźowanja): Pomjenowanje zastupjerjow Domowiny w CIOFF-Němska

Slěd wobjednanja předmjeta předłohi:

gremij resp. organ Domowiny	datum	wuslědk wuradźowanja resp. doporučenje
prezidij	03.06.25	doporučenje k schwalenju
zwjazkowe předsydstwo		

Namjet za wobzamknjenje:

Zwjazkowe předsydstwo Domowiny wobzamkne:


- (1) Zwjazkowe předsydstwo pomjenuje za dobu 2025 – 2029 slědowaceju zastupjerjow Domowiny – Zwjazka Łužiskich Serbow w mjezynarodnym zjednoćenstwie organizatorow folklornych festiwalow CIOFF-Němska z. t.:**
- Marka Kowarja a
 - Pětra Brězana, referenta za hospodarske a infrastrukturelne naležnosće.
- (2) Zastupjerjej mataj prawidłownje wo swoim skutkowanju rozprawjeć.**

datum: 27.05.2025

CLEMENS ŠKODA (digitalnje)
podpismo zapodačela

Financne wusutki wobzamknjenja: na zakładže hospodarskeho plana resp. na zakładže plaćiweho porjada

Financujomnosć je so pruwowała:


podpismo jednačelki/jednačela
resp. referentki/referenta

Wuslědk wothłosowanja:

za namjet:

přećiwo namjetej:

hłosawzdaće/a:

Informacija

CIOFF je swětowa organizacija zarjadowarjow folklornych festiwalow a folklornych skupinow. Rozrjadowuje so do sektorow, kotrež so hrubje ke kontinentam zjimaja a w tutych wobsteja sekcije. Wjele europskich krajow tajku ma. Sekcija Němska ma něhdže 60 čłonskich cyłkow. Serbja su w tutej zastupjeni z Domowinu, ze župu Delnja Łužica, Serbski folklorny ansambl Slepo a Wudwor, Serbsku rejowansku skupinu Smjerdžaca a Serbski ludowy ansambl. Dźělawnosć sekcije rjaduja wustawki.



DOMOWINA

TOP 5.5. – 1.

**Předłoha čo. ZP 6/2025
za 1. (rjadne) posedženje Zwjazkowneho předsydstwa Domowiny
dnja 13.06.2025 we Wojerecach**

Zapodačel předłohi: prezidij Domowiny

Awtor předłohi: M. Di Sarnowa, referentka

Nastupa (předmjet wuradźowanja): jednanski porjad zwjazkowneho předsydstwa
za wólbnu dobu 2025-2029

Slěd wobjednanja předmjeta předłohi:


gremij resp. organ Domowiny	datum	wuslědk wuradźowanja resp. doporučenje
prezidij	7.5.25	doporučenje k schwalenju
zwjazkowe předsydstwo		

Namjet za wobzamknjenje:


Zwjazkowe předsydstwo Domowiny wobzamknje:

**Zwjazkowneho předsydstwa Domowiny schwali swój jednanski porjad za wólbnu dobu
2025-2029, kiž wot nětka płaći.**

datum: 28.04.2025


.....
podpis zapodačela

Financne wusutki wobzamknjenja: žane

Financujomnosť je so pruwowała:  (datum a podpis referenta resp. jednačela)

Wuslědk wothłosowanja:

za namjet:

präciwo namjetej:

hłosawzdaće/a:

**DOMOWINA**

TOP 5.5. – 2.

Jednanski porjad Zwjazkowego předsydstwa Domowiny za wólbnu dobu 2025-2029

§ 1

Powšitkowe zasady džěławosće

1. Zwjazkowe předsydstwo Domowiny nawjeduje džěło třěšneho zwjazka mjez hłownymi zhromadźiznami.
2. Zestawa, nadawki a kompetency zwjazkowego předsydstwa rjaduje artiki 9, wotrězki 1 - 7 wustawkow Domowiny.
3. Zwjazkowe předsydstwo spjelnja swoje nadawki z/ze
 - rjadnymi a wurjadnymi posedženjemi,
 - džělom prezidija po §12 tutoho porjada,
 - analytiskim a koncepcionelnym předdžělom džělowych wuběrkow a skupinow,
 - koordinaciju a integraciju cyłonarodneho džěła we wothłosowanju z předsydstwami,
 - sobudžělom čłonskich župow a towarstwow kaž tež z druhimi zwjazkarjemi,
 - skutkowanjom kóždeho jednotliwego čłona zwjazkowego předsydstwa w swoim towarstwje a w zjawnosći,
 - aktiwnym zjawnostnym džělom wo zaměrach třěšneho zwjazka a wo položanju a zajimach serbskeho ludu.
4. Zwjazkowe předsydstwo schadźuje so po artiku 9, dypk 6 wustawkow Domowiny najmjeńša štyri króć wob lěto. Nimo toho měłoso kóžde lěto klawurne posedženje zwolać. Za to so lětny plan džěławosće nastaji, kotryž nimo terminow tež městnosć a wobsahowe čěžišća posedženjow postaji.

§ 2

Nadawki zwjazkowego předsydstwa

1. Zwjazkowe předsydstwo ma po artiku 9 dypki 3 do 5 wustawkow Domowiny slědowace nadawki:
 - rozsudža wo prašenjach běžneho džěła Domowiny mjez hłownymaj zhromadźiznomaj,
 - postaja čěžišća džěławosće a rjaduje zawjazowace zamołwitosće za zwoprawdženje nadawkow,

- ### § 3

1. Wuradžowanja zwjazkowego předsydstwa su po artiku 9, dypk 7 wustawkow Domowiny zjawne. Wuradžowanja zwjazkowego předsydstwa měli po župnych teritorijach pućować. Nowinska rěčnica Domowiny informuje medije tydźeń do posedženja wo wobsahach zjawneho džěla posedženja.
Zjawny džěl posedženjow wusyla so jako livestream do syće, jeli techniske móžnosće na městnosći wuradžowanja to dowola.
~~Livestreamy posedženjow měli jedyn měsac online přistupne być a so potom hasnyć.~~
Zarjad Domowiny ma trěbne techniske wobstejnosće rjadować.
2. Wuradžowanje džěli so po potrebjce do zjawneho a njezjawneho džěla.
Zjawny a njezjawny džěl posedženja matej so w namjeće za dnjowy porjad wupokazać.
3. Personalne prašenja maja so w kóždym padže w njezjawnym džělu wuradžowanja a w njeprítomnosći potrecheneho wobjednać.

4. „Naprašowanja člonow Domowiny a hosći k serbskim naležnosćam“ ~~a~~ „rozprawa předsydy a člonow zwjazkowego předsydstwa wo džěławosći třěšneho zwjazka mjez posedženjomaj zwjazkowego předsydstwa“, ~~„informacija k aktualnym aspektam džěławosće zarjada Domowiny a Rěčneho centruma WITAJ“ a „aktualna debata člonow zwjazkowego předsydstwa“~~ měli stajny wobstatk posedženja być.
5. Čłonojo zwjazkowego předsydstwa maja prawo, temy ~~za „aktualnu debatu“ hač do 3 džělowych dnjow~~ do posedženja zwjazkowego předsydstwa zarjadej Domowiny pisomnje zapodać. Wo ~~dalších a pozdžších~~ namjetach smě so wotwisnje wot časowych móžnosćow ~~na městnje posedženja~~ rozsudzić.
6. Nimo toho smě kóždy člon zwjazkowego předsydstwa do schwalenja dnjoweho porjada próstwu wo wuzamknjenje zjawnosće při wobjednanju wěsteho dypka dnjoweho porjada stajić. Wo próstwyje wothłosuje so po § 7 wotrězki 7 do 9.
7. Čłonojo zwjazkowego předsydstwa su winowaci, wo wšitkich w njezjawnym džělu posedženja wobjednaných naležnosćach mjelčeć.
8. Rjadne posedženja zwjazkowego předsydstwa zwoła předsyda Domowiny na zakładze schwaleneho lětneho plana džěławosće.
9. Wurjadne posedženje zwoła předsyda po pisomnym žadanju znajmjeńša štwórciny člonow zwjazkowego předsydstwa, třoch towarstwow abo prezidija (hlej wustawki Domowiny artikl 9, dypk 6). Wone ma so w běhu dweju tydzenjow přewjesć.
10. Přeprošenje z namjetom za dnjowy porjad a předłohami posedženja ma kóždy rjadny člon zwjazkowego předsydstwa najpozdžišo 7 dnjow do wuradźowanja digitalnje dóstać. Jeli sej to adresat přeje, móža so jemu podložki tež z póštu sposrědkować. ~~tež~~ digitalnje ~~sposrědkować.~~ Wo naležnosćach, kiž njejsu w připósłanym namjeće za dnjowy porjad zapisane, smě so jenož potom wuradźować a rozsudzić, hdyž njeda so naležnosć přestorčić a zwjazkowe předsydstwo wobjednanju přihłosuje.
11. Přeprošenje z namjetom za dnjowy porjad a předłohami posedženja dóstawaja tež hłowna jednaćelka a jednaćel, nawodnica Rěčneho centruma WITAJ, jeje zastupjer a referenća zarjada Domowiny.
Samsne płaci za předsydu rewizijnego wuběrka a předsydu změrcowskeho wuběrka, jeli sej to přejetaj.
12. Podložki zjawneho džěla posedženja dóstawaja tež županojo a předsydzja čłonskich towarstwow, kotřiž njejsu z člonom zwjazkowego předsydstwa, jeli sej to přeja.
13. Podložki njezjawneho džěla posedženja dóstawaja wosoby po § 5 dypk 10.
14. Posedženja zwjazkowego předsydstwa přewjeduja so po móžnosći realnje na postajenej městnosći.

15. Posedženja přewjeduja so po artiklu 7, wotrězk 3 wustawkow pak realnje, po elektroniskim puću (na přikład přez telefon abo widejowu konferencu) abo w měšanej formje z přitomnymi kaž tež z wobdźělnikami přez widejowu konferencu, druhe medije abo telefon.

Wobdźělenje na widejowej konferency, přez druhe medije abo telefon je jenož z legitimaciskimi a přistupnymi datami móžne, kotrež za wotpowědne posedženje plaća. Daty so we wosebitej mejlce sčasom do zhromadźizny sprosředkuja.

§ 4

Nawjedowanje posedženjow

1. Posedženja nawjeduje předsyda, w padže jeho zadźěwanja městopředsydaj. Za wobjednanje jednotliwych dypkow dnjoweho porjada móže prezidij druhich zamołwitych zasadzić.
2. Předsyda a městopředsydaj tworja posedženski prezidij. Nawoda posedženja konsultuje so we wažnych prašenjach nawjedowanja posedženja a dodžerženja wustawkow Domowiny kaž tež jednanskeho porjada zwjazkowego předsydstwa z dalšimaj člonomaj posedženskeho prezidija. Wonaj měłoj nawodu posedženja ze swójskeho wida na předpisane postupowanje skedźbnić, je-li trěbne. Hewak jeho při nawjedowanju posedženja podpěrujetaj.
3. Nawoda posedženja ma slědowace nadawki:
 - posedženje zahajić a přitomnych powitać,
 - přizjewić, zo so wotběh zjawneho džěla posedženja natoči a zo njejsu žane dalše natočenja dowolene,
 - přizjewić, zo so zjawny džěl posedženja digitalnje jako livestream do syće wusyla,
 - přitomnosć a zamołwjenja zwěsćić,
 - wobzamknjenjakmanosć zwěsćić,
 - zajatosć zwěsćić,
 - wo dnjowym porjedže wothłosować dać,
 - diskusiju k jednotliwym dypkam nawjedować a z wobsahowym rezimejom zakónčić,
 - konkretny tekst wobzamknjenja měł wón do wothłosowanja předčitać resp. posłowny namjet za wobzamknjenje sformulować abo přeformulować,
 - wo předłohach a druhich namjetach k wobzamknjenju wothłosować dać,
 - rezultat wothłosowanja zwěsćić (tři kategorije: za namjet/za naraženje, přećiwo namjetej/pšešiwo naraženju a so hłosa wzdám/se głosa zdžaržyjom),
 - přiwrzaće abo wotpokazanje namjeta zwěsćić,
 - wo wokolnym abo listowym wothłosowanju naležnosće rozsudzić dać,
 - ~~wo wjacorych čitanjach wěstych předłohow rozsudzić dać,~~
 - wo wotsadženju dypkow dnjoweho porjada resp. wo wróćodaću předłohow k dalšemu wobdźělanju w prezidiju abo džělowych wuběrkach rozsudzić dać,
 - porjadny wotběh posedženja na zakładže jednanskeho porjada zawěsćić a domowe prawo wukonjeć,
 - ~~wo wobsahach medijowych wozjewjenjow rozsudzić dać a~~
 - posedženje zakónčić.

§ 5

Wobdželenje na posedženjach

1. Čłonojo zwjazkowneho předsydstwa su winowaći, so na posedženjach wobdželić. W padže zadžěwanja su winowaći, předsydu abo sekretariat zarjada Domowiny do posedženja wo tym informować.
2. Lisćina za wupłaćenje posedženskich pjenjow plaći zdobom jako lisćina přitomnosće. Kóždy čłon zwjazkowneho předsydstwa zapisa so ze swojim podpismom do lisćiny přitomnosće a wupjelni lisćinu za zarunanje jězbných wudawkow, jeli spjelni k tomu trěbne wuměńjenja po plaćiwym rjadowanju.
3. Čłonojo zwjazkowneho předsydstwa smědža so digitalnje na posedženju wobdželić.
4. Digitalne wobdželenje zapisa protokolantka předsyda do lisćiny přitomnosće.
5. Čłon zwjazkowneho předsydstwa, kotryž chce posedženje dočasne wopušćić, ma to nawodže posedženja zdželić.
6. Po artiklu 9, dypk 2 wustawkow Domowiny mataj so hłowna jednaćelka a jednaćel na posedženjach zwjazkowneho předsydstwa z poradźowacym hłosom wobdželeć. Samsne přitřechi za nawodnicu Rěčneho centruma WITAJ a jeje zastupjerja, tematizuja-li so kubłansko-politiske prašenja. Nowinska rěčnica, referentka za naležnosće třěšneho zwjazka a referent za gremijowe a ministerialne naležnosće so tohorunja na posedženjach wobdželeja.
7. Předsyda rewizijneho wuběrka kaž tež předsyda změrcowskeho wuběrka mataj po artiklu 9, dypk 2 wustawkow Domowiny prawo, so na wuradźowanjach zwjazkowneho předsydstwa z poradźowacym hłosom wobdželeć.
8. Zastupjer Domowiny we FUEN-prezidiju ma prawo, so z poradźowacym hłosom na posedženjach zwjazkowneho předsydstwa wobdželeć.
9. K zjawnym posedženjam ma kóždy zajimc přistup. Zajimcy pak nimaja prawo, do jednanjow zapřimnyć abo wotběh posedženja mylić.
10. Na njezjawnym dźělu wobdželeja so čłonojo zwjazkowneho předsydstwa, hłowna jednaćelka a jednaćel, referentka za naležnosće třěšneho zwjazka, nowinska rěčnica, referent za gremijowe a ministerialne naležnosće kaž tež protokolantka / protokolant ze zarjada. Rjadowanja § 7, dypk 13 nastupajo zajatosće maja so dodžeržeć. Jeli sej maćizna předwidžaného dypka to žada, smědža so dalše wosoby na njezjawny dźěl přeprošyć. Na njezjawnym dźělu smětaj so tež předsyda rewizijneho wuběrka a předsyda změrcowskeho wuběrka wobdželić, hdyž wo to prosytaj.

§ 6

Wobdželenje na diskusiji

1. Čłonojo zwjazkowneho předsydstwa a prezidija, hłowna jednaćelka, jednaćel a wobdžělnicy po § 5 dypki 6 do 9 tutoho porjada, kaž tež přeprošeni hosćo maja

prawo, so słowa jimać, hdyž jim nawoda posedženja słowo přepoda. Kóždy diskutant měj so jenož dwójce k samsnej naležnosći wuprajić. Słowo so po rjedže přizjewjenjow přepodawa. Wo rěčenskim prawje njeprošenych hosći rozsudža posedženski prezidij.

2. Čłon zwjazkowego předsydstwa, kiž chce k jednanskemu porjadej rěčeć, přizjewi to ze zběhnjenjom wobeju rukow. Wón dóstanje potom hnydom słowo.
3. Hdyž wuprajitej so žadanje abo namjet k wothłosowanju, smějaj zasadnje jedyn čłon zwjazkowego předsydstwa za to a jedyn přeciwo tomu rěčeć. Potom so wothłosuje.
4. Rěčny čas móže so wot posedženskeho prezidija po potrebnosći wobmjezować. Hdyž so hižo k wěcy njerěči, ma nawoda posedženja prawo, rěčnikej słowo sčazać.
5. Jednanski porjad dowola čłonam zwjazkowego předsydstwa w běhu posedženja sčěhowace namjety:
 - wrócenje naležnosće do prezidija, do džěłoweje skupiny resp. do džěłoweho wuběrka abo zarjadej Domowiny, zo by so předłoha k tomu přihotowała resp. předležaca předłoha so předžěłała,
 - wotsadženje naležnosće z dnjoweho porjada resp. přestorčenje wobjednanja,
 - wokolne wothłosowanje po posedženju, ručež předleži předžěłany namjet za wobzamknjenje,
 - zakónčenje diskusije k naležnosći,
 - wothłosowanje wo předłoze resp. wo namjeće k wobzamknjenju,
 - přetorhnjenje abo zakónčenje posedženja,
 - wuzamknjenje zjawnosće,
 - žadanje za tajnym wothłosowanjom abo za wothłosowanjom po mjenje,
 - naprašowanje wěcywustojnych wosobow a
 - přepodaće poňomocy k doskónčnemu rozsudej prezidijej, předsydzje abo zarjadej Domowiny.
6. Čłon zwjazkowego předsydstwa, kotryž je so k diskusiji přizjewił a njeje zakónčeneje diskusije dla wjace słowo dóstał, smě swój přinošk pisomnje předsydzje zapodać. Přinošk so protokolej připožiji.
7. Do wothłosowanja wo předłohach a namjetach za wobzamknjenje smě kóždy čłon zwjazkowego předsydstwa wosobinske wujasnjenje wotedać. K tomu přepoda jemu nawoda posedženja po wotpowědnym přizjewjenju słowo. Tajke wosobinske wujasnjenje smě jenož poprawa wopačnych wuprajenjow abo wotwobaranje wosobinskeho nadběha wobsahować.

§ 7

Wothłosowanja a wobzamknjenja

1. Po artiklu 7, dypk 4 wustawkow Domowiny je zwjazkowe předsydstwo wobzamknjenjakmane, hdyž je wjace hač položca jeho čłonow přitomna.

2. Namjet je přiwzaty, hdyž je wjetšina přitomnych hlasakmanych za namjet hlasowała, dalokož njeje to w tutym porjedže abo we wustawkach hinak postajene. Při samsnej ličbje hlasow za abo přečiwo namjetej je namjet wotpokazany.
3. K wothłosowanju dóstanje kóždy člon hlasowanske kartki ~~(zelenu kartku z napismom "za namjet/za naraženje", čerwjenu kartku z napismom "přečiwo namjetej/přečiwo naraženju" a bělu kartku z napismom "so hlaso wzdám/se hlaso zdžaržyjom")~~.
4. Wotodate hlaso digitalnje přizamknjenych člonow zwěšća nawoda posedženja z pomocu wobrazowki. Za čas wothłosowanja a wuličenja dyrbi wosoba, kotraž wothłosuje, na wobrazowce widzieć być. Jeli njeje wosoba widzieć abo njeda so wotedy hlós přirjadować, so tutón njeliči.
5. Namjet k wobzamknjenju dyrbi pisomnje abo ertnje jasne sformulowany być, předy hač so wo nim wothłosuje.
Wo kóždym namjeće so jednotliwje wothłosuje.
Hdyž předleža wjacore namjety k wobzamknjenju nastupajo samsnu naležnosť, potom wothłosuje so najprjedy namjet, kiž po wobsahu najbóle wotpowěduje zaměrej wobzamknjenja.
6. Signalizuje-li jedne člonske towarstwo z pisomnym wopodstatnjenjom do posedženja k namjetej za wobzamknjenje sylne wobmyslenja, ma so předsydstwo tutoho towarstwa do wothłosowanja slyšeć. Słyšenje předsydstwa tutoho towarstwa so přewjedže w zwjazkowym předsydstwje.
7. Wothłosuje so zasadnje zjawnje ze zběhnjenjom hlasowanskeje kartki.
8. Hdyž sej to jedyn člon zwjazkowego předsydstwa žada, potom so po mjenje abo tajnje wothłosuje.
Předležitej wobaj namjetaj, potom so tajnje wothłosuje.
Při wothłosowanju po mjenje předčita nawoda posedženja mjena wotpowědného člona zwjazkowego předsydstwa, kiž dyrbi potom prajić, hač wón "za namjet" abo "přečiwo namjetej" hlasuje resp. so hlaso wzda. To so we wotpowědnej lisćinje dokumentuje a protokolej přida.
Člonojo zwjazkowego předsydstwa, kiž njejsu wobzamknjenju přihłosowali, smědža sej žadać, zo so to w protokolu naspomni.
9. Po artiklu 7, dypk 4 wustawkow Domowiny móže zwjazkowe předsydstwo tež po pisomnym puću rozsudy tworić. Wo tym ma zwjazkowe předsydstwo abo prezidij rozsudzić. Za wobzamknjenje po pisomnym puću dyrbi so znajmjeńša položca člonow na wothłosowanju wobdželić. Płaća zasady z § 7 dypk 2 tutoho porjada. Namjet je přiwzaty, hdyž je so znajmjeńša položca člonow organa na wothłosowanju wobdželiła a wjetšina hlasakmanych za namjet hlasowała, chibazo wustawki něšto druhého postajeja.

10. Hdyž so wuměňjenja za plaćiwe wobzamknjenja zasadnje změnja, móže so wotpowědne prašenje znova w zwjazkowym předsydstwje wobjednać. Při tym ma so wo tym rozsudzić, hač so dotalne wobzamknjenje zběhnje.
11. Wólby a personalne rozsudy přewjeduja so w tajnym wothłosowanju. Smě so zjawnje wolić, hdyž njeje žadyn člon zwjazkowego předsydstwa přećiwo tomu.
Wolena je zasadnje wosoba, kotraž dóstanje wjace hač połojcu hlasow wšitkich člonow zwjazkowego předsydstwa.
Při wjacorych mjenach na jednym wólbny m lisćiku su ći wuzwoleni, kotřiž su po rjedže najwjac hlasow dóstali. Při runosći hlasow ma so wuša wólba přewjesć.
Woleny je potom tón, kiž docpěje we wušej wólbje wjetšinu hlasow.
12. Tajne, listowe wólby su móžne. Wo tym ma zwjazkowe předsydstwo abo prezidij rozsudzić.
13. Čłonojo zwjazkowego předsydstwa njesmědža so na wobjednanju a schwalenju naležnosćow wobdžělić, hdyž móže wobzamknjenje jim wosobinsce, jich swójbnym resp. při wuznym přěnjeho stopjenka abo institucijam, kiž woni juristisce zastupuja, bjezposrědne lěpšiny abo njelěpšiny přinjesć.
Potrjecheny člon zwjazkowego předsydstwa dyrbi sam swoju zajatosć do wobjednanja wotpowědneje naležnosće přizjewić. Wón smě so w padže zjawneho džěla posedženja k hosćom sydnýć, w padže njezjawneho džěla pak dyrbi posedžensku rumnosć wopušćić.
Hdyž wobsteja dwěle na zajatosći resp. njezajatosći, potom rozsudži so w njepřitomnosći potrjecheneho.
To samsne plaći za wšitkich dalšich přitomnych abo digitalnje přitomnych.

§ 8

Protokol zjawneho džěla posedženja

1. Wo kóždym zjawnym posedženju zdžěla so protokol wobzamknjenjow. Jako pomocny srědk za protokolowanje zjawneho džěla posedženja wužiwa so natočenje.
2. Protokol zjawneho džěla ma wobsahować:
 - termin, městnosć, započatk a kónc wuradźowanja,
 - mjeno nawody/nawodow zeńdženja,
 - přitomnosć člonow a hosći,
 - dnjowy porjad,
 - čisla a titule wobjednanych předłohow,
 - wobzamknjenja z formulaciju namjeta, z wuslědkom wothłosowanja a z běžnym čislom tuteje wólbneje doby,
 - nadawki, kiž su so druhim gremijam přepodali,
 - wosobinske stejišćo, hdyž sej to člon zwjazkowego předsydstwa žada a
 - teksty rozprawow k bytosnym naležnosćam jako přidawk k protokolaj.
3. Čłonojo zwjazkowego předsydstwa a jeho stajni hosćo dóstanu w běhu jednoho tydženja po posedženju na digitalnym puću naćisk protokola a smědža k protokolaj pokiwy abo korektury zapodać. Dskónčny naćisk přepoda so z podložkami za přichodne posedženje.

4. Županojo a předsydzá člonskich towarstwow, kiž njejsu z člonom zwjazkowneho předsydstwa, dóstanu protokol k informaciji, jeli sej to přeja. Samsne płáči za předsydu rewizijného wuběrka a předsydu změrcowskeho wuběrka.
5. Protokol a spjelnjenje wobzamknjenjow kontrolujetej so na přichodnym zjawnym wuradźowanju zwjazkowneho předsydstwa.

§ 9

Protokol njezjawneho džěla

1. Wo kóždym njezjawnym posedženju zdžěla so wuslědkowy protokol.
~~Jako pomocny srědk za protokolowanje njezjawneho džěla posedženja smě so natočenje wužiwać, kotrež ma so po wopodstatnjenju protokola zničić.~~
2. Wobzamknjenja njezjawneho džěla maja so ze separatnym běžnym čislowanjom protokolować ("n" před čisłom).
3. Wobsteji móžnosć jednotliwe wuprajenja po słowje do protokola přewzać.
4. Člonam změrcowskeho wuběrka ma so na žadanje protokol pod dohladom w zarjedže spřistupnić.
5. Protokol njezjawneho džěla kontroluje so na přichodnym posedženju zwjazkowneho předsydstwa.

§ 10

Předłohi

1. Předłohi do zwjazkowneho předsydstwa smědža zapodać:
 - prezidij,
 - předsyda a městopředsydaj Domowiny,
 - člonojo zwjazkowneho předsydstwa,
 - džělowe wuběrki resp. džělowe skupiny,
 - rewizijny a změrcowski wuběrk Domowiny,
 - předsydstwa člonskich župow a towarstwow, kaž tež
 - zarjad Domowiny a
 - Rěčny centrum WITAJ.
2. Předłohi zdžělaja so, hdyž so trěbnosć wobjednanja wotpowědného prašenja ze stron wolenych gremijow třěšneho zwjazka, předsydstwow člonskich župow a towarstwow kaž tež zarjada Domowiny zwěsći, hdyž zwjazkowe předsydstwo wotpowědny nadawk wobzamkne abo posedženski plan zwjazkowneho předsydstwa to předwidži.
3. Předłohi měli so zasadnje prezidijej k předwobjednanju přepodać, zo by móht zwjazkowemu předsydstwu doporučenje k doskónčnemu wobjednanju předłohow přepodać. Referentka za naležnosće třěšneho zwjazka rjaduje, čisłuje a spřistupnja, resp. wozjewja předłohi we wothłosowanju z prezidijom.

4. Za přihotowanje předłohow ma so wosebity formular wužiwać (hlej příloha).
Kóždy předłoha ma swoje číslu (běžne číslu + lětolíčba).
Předłohi, kiž so w prezidiju na zakładze § 6, dypk 5, smužka 10 abo § 12, dypki 2, 4 abo 5 tutoho jednanskeho porjada dorozsudža, maja před běžnym číslom přidawk "P".
Předłohi, kotrež so w zwjazkowym předsydstwje doskónčnje wobjednaja a schwala, maja přidawk "ZP".
Wobě družinje předłohow so separatnje ličitej a skladujetej.
Wopodstatnjenje za namjet k wobzamknjenju přida so we wotpowědnej příloze.
5. W předłohach, kiž služa jenož k informaciji, zapisuje so do rubriki "Namjet za wobzamknjenje" pasus, zo so informacija na wědomje bjerje.
6. Financne wusutki wobzamknjenjow maja so mjenować a zarjad Domowiny měl financujomnosć do wobjednanja w prezidiju pruwować a z podpismom hlowneje jednačelki, jednačela abo ~~referenta za hospodarske a infrastrukturelne naležnosće~~ wotriadnika wotriada zličbowanje wopodstatnić.
7. Hdyž so w běhu jednanjow zwjazkowego předsydstwa wotchilacy namjet k wobzamknjenju formuluje, potom pisa so nowa formulacija do přehlada předłohow.

§ 11

Wutworjenje džělowych wuběrkow

1. Zwjazkowe předsydstwo abo prezidij wutworitej po potrebjce k analytiskemu a koncepcionelnemu wobdžěłanju naležnosćow džělowe wuběrki. Kóždy wuběrk měl ze znajmjeńša 5 wosobow wobstać, ~~wjetšina z nich měla być z čłonom zwjazkowego předsydstwa~~. Postajeja so zestawa a nawoda džěloweho wuběrka, jeho naměstnik, po wobsahu přislušny zamołwity zarjada, wobsahowe zaměry džělawosće a doba skutkowanja.
2. Wuběrki maja prawo, stajić próstwu wo juristisku poradu na prezidij.
3. Za wotběh posedženjow džělowych wuběrkow plaća w zasadze postajenja jednanskeho porjada zwjazkowego předsydstwa wotpowědnje. Wuradžowanja wuběrkow su zasadnje njezjawne. Wuwzaća su móžne.
Čłonom zwjazkowego předsydstwa a prezidija je přistup w kóždym času móžny.
4. Protokole wuradžowanjow džělowych wuběrkow dóstawaja nimo wuběrkownikow tež čłonojo prezidija. Čłonojo zwjazkowego předsydstwa smědža sej protokole požadać.
5. Jako čłonojo džělowych wuběrkow móža so nimo čłonow zwjazkowego předsydstwa a prezidija dalši zastupjerjo župow a towarstwow kaž tež fachowcy powolać. Woni podleža samsnemu rjadowanju dowěrliwosće kaž čłonojo zwjazkowego předsydstwa.

6. Wuběrki rozprawjeja zwjazkowemu předsydstwu abo prezidijej wo wuslědkach a dźěławosći swojeho skutkowanja a předpołoża wotpowědne namjety jako předlohi k wobjednanju a schwalenju.
7. Předsydža wuběrkow smědža na zakładze naprašowanjow medijow abo po swójskim rozsudze wuběrkownikow zjawnosć k tematiskim čezišćam njezjawnych posedženjow wuběrkow informować. Při tym ma so wobkedźbować, zo ma so jednać wo powšitkowne informacije dźěławosće wuběrkow, nic pak wo naćiskach, kiž ma zwjazkowe předsydstwo dodiskutować a wobzamknýć.

§ 12

Prezidij

1. Po artiku 10, dypk 1 wustawkow Domowiny slušeja do prezidija předsyda Domowiny, jeho městopředsydaj a dalšej člonaj zwjazkowego předsydstwa, kotrejuž na namjet předsydy zwjazkowe předsydstwo powoła.
2. Po artiku 10 dypk 3 wustawkow Domowiny postaja zwjazkowe předsydstwo slědowace zamołwitosće prezidija:
 - a. přihotować wobsahowje posedženja zwjazkowego předsydstwa,
 - b. poradźować zwjazkowe předsydstwo we wobsahowych a wažnych organizatoriskich prašenjach a k tomu předpołożyć trěbne předlohi,
 - c. poradźować předsydu Domowiny w jeho běžnej dźěławosći,
 - d. wutworić w nadawku zwjazkowego předsydstwa nachwilne dźělowe skupiny resp. wuběrki a jich dźěło koordinować,
 - e. poradźować předsydu a jednaćelstwo při koordinaciji běžneje dźěławosće zarjada Domowiny a Rěčneho centruma WITAJ a přijímać k tomu trěbne informacije,
 - f. přihotować hłowne zhromadźizny Domowiny a nawjedować wudžěłanje rozprawy wo zwoprawdženju nadawkow dźělowych směrnícow zwjazkowego předsydstwa a
 - g. rozsudzić wo slědowacych prašenjach:
 - chwatnje trěbne stejišća Domowiny k naćiskam prawnskich předpisow a k aktualnym prašenjam,
 - stejišća Domowiny k předewzaćam regionalneho planowanja,
 - delegowanje kulturnych skupin w nadawku Domowiny, projekty kulturneje wuměny a službne jězby čestnohamtskich zastupjerjow Domowiny do wukraja,
 - koncepty za róčnicy a jubileje,
 - naprawy w zwisku z wobhospodarjenjom imobilijow Domowiny,
 - nadawki k prawniskej poradze Domowiny,
 - kónčna redakcija za stejišća, rezolucije, brošurki, memorandumy a podobne wozjewjenja Domowiny, kiž so w zjawnosći rozšěrjeja,
 - wobdžěłanje Domowiny na projektach druhich nošerjow,
 - koncepty za wopomnjenske dny,

- z běžneje džělawosće třěšneho zwjazka wotwodžene nadawki za džělowe wuběrki zwjazkowego předsydstwa.
3. Zwjazkowe předsydstwo informuje so na kóždym posedženju wo džělawosći prezidija a dóstawa pisomny přehlad rozsudow posedženjow prezidija z podložkami za swoje přichodne posedženje.
 4. Posedženja prezidija su zasadnje njezjawne. Čłonojo zwjazkowego předsydstwa smědža so na posedženjach wobdžěleć. Čłonojo zwjazkowego předsydstwa maja prawo, prezidijej namjety za wobjednanje naležnosćow zapodać.
 5. Džělawosć prezidija rjaduje wosebity jednanski porjad, kiž zwjazkowe předsydstwo schwali.

§ 13

Winowatosće čłonow zwjazkowego předsydstwa

1. Nimo aktiwneho wobdžělenja na posedženjach zwjazkowego předsydstwa ma čłon zwjazkowego předsydstwa wosebite winowatosće napřećo župje resp. towarstwu, kotraž/kotrež je jeho za wólby do zwjazkowego předsydstwa nominowała/o. Wón ma předsydstwo župy resp. towarstwa prawidłownje wo jeho skutkowanju informować, předlohi do posedženjow z nimi diskutować, wobzamknjenja zwjazkowego předsydstwa rozkłasć a jich přesadženje podpěrować.
2. Wobzamknjenja su za kóždeho čłona zwjazkowego předsydstwa jenak zwjazowace. Žadyn čłon zwjazkowego předsydstwa nima po wotumje wjetšiny gremija prawo, přesadženje wobzamknjenjow blokować a napřećiwne aktiwity přewjesć.
3. Hdyž zwjazkowe předsydstwo postaji, zo njesmě so wo wěstych prašenjach zjawnje informować, ma kóždy čłon gremija winowatosć k mjelčenju. Tuta winowatosć wobsteji hač do wuwjazanja na zakładže rozsuda zwjazkowego předsydstwa. Winowatosć k mjelčenju płáči bjez wobmjězowanja za personalne daty.
4. Kóždy čłon zwjazkowego předsydstwa je k aktiwnemu zjawnostnemu džělu namołwjeny.

§ 14

Zjawnostne džěło

1. Zjawnosć a žurnalisća přeprošuja so z nowinskim wozjewjenjom a z nawěškom na zjawne wuradźowanja zwjazkowego předsydstwa.
2. Dnjowy porjad zjawneho džěla so najpozdzišo 3 džělowe dny do posedženja w serbskej a němskej rěči w interneće wozjewi.
3. Podložki zjawneho džěla posedženja wozjewja so w zapodatej rěči tohorunja najpozdzišo 3 džělowe dny do posedženja na internetnej stronje Domowiny. Z toho

wuwzatej stej rozprawa předsydy a rozprawa prezidija Domowiny. Wo dalšich wuwzaćach smětej zwjazkowe předsydstwo a prezidij rozsudzić.

4. Wobzamknjenja zjawneho dźěla posedženjow zwjazkowego předsydstwa m~~ě~~l~~i~~a~~j~~a so w běhu jednoho tydźenja na internetnych stronach Domowiny wozjewić.
5. Po posedženju zhotowi nowinska rěčnica medijowe wozjewjenje wo hłownych ćežiščach a wuslědkach zeńdženja.
Po wothłosowanju z jednym člonom prezidija posrědkuje so tute redakcijam, člonam zwjazkowego předsydstwa a dalšim zajimowanym adresatam.
Zdobom ma so wone na internetnej stronje Domowiny wozjewić.
6. Rozsudy interneho resp. dowěrliwego razu, kotrež njesmědža so wozjewić, so na posedženju konkretnje pomjenuja.

Dalokož so w tutym jednanskim porjedže funkcije a pomjenowanja po muskim abo žónskim splahu wopisuja, měni so z tym runohódnje žónski a muski splah.

Jednanski porjad zwjazkowego předsydstwa za wólbnu dobu 2025-2029 schwali so na posedženju zwjazkowego předsydstwa dnja a nabudže z tym płaćiwosć.

Příloha 1 – předloha**DOMOWINA****Předloha č. ZP .../...****za ... (rjadne) posedženje Zwjazkowneho předsydstwa Domowiny dnja ... w ...**

Zapodačel/-ka předlohi:**Awtor/-ka předlohi:****Nastupa (předmjet wuradźowanja):**Slěd wobjednanja předmjeta předlohi:

gremij resp. organ Domowiny	datum	wuslědk wuradźowanja resp. doporučenje

Namjet za wobzamknjenje:**Zwjazkowe předsydstwo Domowiny wobzamkne:****tekst**

datum:

.....
podpismo zapodačelaFinancne wusutki wobzamknjenja: *zjimanje financnych wusutkow*Financujomnosć je so prurowała: (datum a podpismo jednačelstwa, resp. referenta)Wuslědk wothłosowanja:

za namjet:

přećiwo namjetej:

hłosawzdaće/a:



DOMOWINA

Pśedłoga cysło ZP .../.....
za ... (pórědne) pósejženje Zwězkowego pśedsedařstwa Domowiny
dnja w

Zapódař pśedłogi:

Awtor pśedłogi:

Nastupnosć (pśedmjet wobradowanja):

Slěd wobjadnanja pśedmjeta pśedłogi:

gremij resp. organ Domowiny	datum	wuslědk wobradowanja resp. dopóručenje

Naraženje za wobzamknjenje:

Zwězkowe pśedsedařstwo Domowiny wobzamknjo:

tekst

datum:

.....
 pódpismo zapódarja

Financne wustatkowanja wobzamknjenja:

Financěrujobnosć jo se pśepytowała: (datum a pódpismo referenta resp. jadnarja)

Wuslědk wótgłosowanja:

za naraženje:

pśešiwo naraženju:

głosa zdźaržanje/-i/-a::

Příloha 2 – časové doby gremií



DOMOWINA

Rjadowanja w jednanskimaj porjadomaj Zwjazkowego předsydstwa Domowiny a jeho prezidija nastupajo časowe doby

Čas	Naprawa	Žórło
7 dnjow do posedženja P	Podložki maja so wupósłać.	
5 dnjow do posedženja P	Maja podložki čłonam P předležeć.	§ 5 (10) JP-P
7 dnjow do posedženja ZP	Podložki maja so wupósłać.	§ 3 (10) JP-ZP
tydžeń do posedženja ZP	Informacije medijam wo zjawnym džělu posedženja.	§ 3 (1) JP-ZP
hač do 3 džělowych dnjow do posedženja ZP	Móžnosć za čłonow ZP, temy za "aktualnu debatu" zapodać.	§ 3 (5) JP-ZP
hač do 3 dnjow do posedženja ZP	Dnjowy porjad posedženja ZP so serbsce a němsce w interneće wozjewi.	§ 14 (2) JP-ZP
	Podložki zjawneho džěla posedženja wozjewja so na internetnej stronje Domowiny. Z toho wuwzatej stej rozprawa předsydy a rozprawa prezidija Domowiny.	§ 14 (3) JP-ZP
hač do 3 hodžin do posedženja	ZP ma so link k posedženju sposrědkować.	§ 3 (15) JP-ZP
do posedženja	Čłonojo ZP maja zarjad Domowiny abo předsydu wo zadžěwanju informować.	§ 5 (1) JP-ZP
	Čłonojo ZP maja digitalne wobdžělenje přizjewić.	§ 5 (3) JP-ZP
	Posedženje zwjazkowego předsydstwa	
do schwalenja dnjoweho porjada	Čłon ZP smě próstwu wo wuzamknjenje zjawnosće při wobjednanju wěsteho dypka dnjoweho porjada stajić.	§ 3 (6) JP-ZP
po posedženju	Nowinska rěčnica zhotowi medijowe wozjewjenje wo hłownych čěžiščach a wuslědkach zeńdženja. (posrědkowanje z mejlku a na internetnej stronje)	§ 14 (5) JP-ZP
tydžeń po posedženju	Protokol so čłonam ZP a hosćom zjawneho džěla digitalnje sposrědkuje.	§ 8 (3) JP-ZP
	Wobzamknjenja zjawneho džěla posedženja měli so na internetnej stronje wozjewić.	§ 14 (4) JP-ZP
měsac po posedženju	Znajmjeńša měsac ma livestream přistupny być.	§ 3 (1) JP-ZP

staw: 07.05.2025



DOMOWINA

Předłoha č. ZP 10/2025

**za 1. posedženje Zwjazkoweho předsydstwa Domowiny
dnja 13.06.2025 we Wojerecach**

Zapodaćelka předłohi:

J. Šołćina, jednaćelka

Awtor předłohi:

C. Škoda, referent

Nastupa (předmjet wuradźowanja):

**Zdźerženje doma Měrcina Nowaka-
Njehorńskeho**

Slěd wobjednanja předmjeta předłohi:

gremij resp. organ Domowiny	datum	wuslědk wuradźowanja resp. doporučenje
prezidij	03.06.25	doporučenje k schwalenju
zwjazkowe předsydstwo		

Namjet za wobzamknjenje:

Zwjazkowe předsydstwo Domowiny wobzamknje:

**Zwjazkowe předsydstwo Domowiny přepoda zarjadej nadawk, trěbne twarske naprawy
za zdźerženje doma Měrcina Nowaka-Njehorńskeho do nadawka dać a ze Założbu za
serbski lud koordinować.**

datum: 03.06.2025

CLEMENS ŠKODA (digitalnje)
podpismo zapodaćela

Financne wusutki wobzamknjenja:

žane (wudawki ma Założba za serbski
lud)

Financujomnosć je so pruwowało:

datum: 03.06.2025

Judith Šołćina
.....
(datum a podpismo referenta resp.
jednaćelki)

Wuslědk wothłosowanja:

za namjet:

přećiwo namjetej:

hłosawzdaće/a:

Dalše informacije

Měrcin Nowak-Njehorňski słuša k wusahowacym serbskim wosobinam 20. lětstotka. Wón bydleše w Njehornju. Serbski moler a spisowaćel zawostaji swoju bydlensku ležownosć 1990 serbskemu ludej, Domowinje – Zwjazkej Łužiskich Serbow – jako juristickej wosobje. Twarjenje bu w lětach 1992 do 1998 wobšěrnje saněrowane a jako muzej kaž tež kulturne zetkawanišćo wotewrjene.

Załožba za serbski lud je wot lěta 2000 zamołwita za twarske wudźeržowanje a wobhospodarjenje wšitkich imobilijow Domowiny, mj. dr. tež Muzeja Měrcina Nowaka-Njehorňskeho w Njehornju. Po wjace hač 30 lětach wužiwanja zwěšćichu so chutne škody, mjez nimi škódniki w drjewje tykowaneho domu, kaž tež stupaca wložnota w murjach, kotraž twarsku substancu trajnje wohrožaja. Zo bychmy dołhodobne wužiwanje domu w zmysle Měrcina Nowaka zawěšćili, je wotstronjenje tutych njedostatkow njeparujomne. Při tym měła so składnosć wužić, zo by so twarjenje tak saněrowało, zo móže so w přichodže naslědnje wužiwać.

Dom so tuchwilu přewažnje wot kulturnych turistow a šulskich rjadownjow jako muzej wopyta a hdys a hdys za mjeńše “zarjadowanja”/zetkawanja wužiwa. Njeje stajnje wotewrjeny – jenož po dorěčenju.

Na zakładze wašnja twara storči wužiwanje domu na hranicy. Pódlanski dom, něhdyši a hač do džensnišeho zdźeržany ateljej wuměłca, skića dohlad do tworjenja Měrcina Nowaka. 2,5-poschodowe hłowne twarjenje, tradicionalne tykowane domske, prezentuje w mnohich małych rumnosćach w přěnim a druhim poschodze z pomocu witrinow a informaciskich taflow aspekty ze žiwjenja wuměłca kaž tež detaile k serbskej kulturje a stawiznam.

Zo bychmy rozpadanju doma zadźěwali, je wotwobaranje wložnoty, wotstronjenje škódnikow w drjewje a zakładny, neutralny wužiwanski koncept inkl. nowe špundowanje trěbne. Při tym su aspekty kaž pomnikoškit, wohnjoškit inkl. koncept čekanskich pućow, fleksibelnosć we wužiwanju a tež bjezbarjernosć priorit.

Wosebje pomnikoškit je přičina, zo njehodźitaj so twaraj jako tajkej w tej měrje změnić, zo bychy so móžnosće za rozšěrjene wužiwanje tworili. Pruwowanja za spěchowanske srědky běchu dotal njewuspěšne. We wjacorych zetkanjach z fachowcami w Njehornju pak so wšelakore móžnosće a wobjim wotpowědných dźěłow wukristalizowachu.

Wotwobaranje dalšeho rozpadowanja a twarske dźěla wučinjeja po kalkulacijach něhdže 200.000 Euro.

Za tworjenje wotpowědných strukturow za “nowe” wužiwanje je něhdže 160.000 Euro trěbnych.

W zhromadnym wothłosowanju ze zastupjerjemi dźěloweho kružka, župu Budyšin a wobydlerjemi pytamy tuchwilu za konsensom a dalšim pućom za zdźerženje herbstwa Měrcina Nowaka. Wotpowědny wuběrk zwjazkowneho předsydstwa ma proces přewodźeć a moderěrować.

Załožbowa rada přizwoli tuž na swojim posedženju dnja 22.05.25 spěchowanje we wysokosći něhdže 360.000 Euro.



DOMOWINA

TOP 5.7.

**Předłoha čo. ZP 7/2025
za 1. (rjadne) posedženje Zwjazkowneho předsydstwa Domowiny
dnja 13.06.2025 we Wojerecach**

Zapodačel předłohi: prezidij Domowiny

Awtorka předłohi: M. Di Sarnowa, referentka

Nastupa (předmjet wuradźowanja): wutworjenje džělowych wuběrkow
zwjazkowneho předsydstwa

Slěd wobjednanja předmjeta předłohi:

gremij resp. organ Domowiny	datum	wuslědk wuradźowanja resp. doporučenje
zwjazkowe předsydstwo	11.04.2025	diskusija wo wutworjenju džělowych wuběrkow
prezidij	07.05.2025	doporučenje k schwalenju
zwjazkowe předsydstwo		

Namjet za wobzamknjenje:

Zwjazkowe předsydstwo Domowiny wobzamknje:


Na zakładže art. 9 (5) dypk 7 wustawkow Domowiny wutwori zwjazkowe předsydstwo slědowace džělowe wuběrki:

1. wuběrk za politiske a prawniske naležnosće; doba skutkowanja: 2025-2029
2. wuběrk za wudźěłanje namjeta za wysokosć mytowanjow Domowiny; doba skutkowanja: hač do 12/2025
3. wuběrk za Dom Měrcina Nowaka-Njechorńskeho; doba skutkowanja: hač do 12/2025

datum: 28.04.2025


podpismo zapodačela

Financne wuskutki wobzamknjenja: posedženski penjez a narunanje jězbnych kóštow za posedženja wuběrkow

Financujomnosć je so pruwowała:  (datum a podpismo referenta resp. jednačela)

Wuslědk wothłosowanja:

za namjet:

přećiwo namjetej:

hłosawzdača:

Informacija:

Kóždy člon zwjazkowego předsydstwa, kotryž ma konkretnu ideju za dalši džělowy wuběrk, móže tutu na posedženju zwjazkowego předsydstwa předstajić. Předstajić ma tež wobsahowe zaměry wuběrka a dobu skutkowanja. Z kruha člonow měli so dosć zwólniwych za sobuskutkowanje wuprajić.

Po tym so wo wutworjenju wothłosuje.

Přehlad člonow džělowych wuběrkow (staw: 04.06.25)

1. wuběrk za politiske a prawniske naležnosće

doba skutkowanja:		2025 – 2029
zestawa wuběrka: (min. 5)	ZP:	Bjarnat Cyž, Dawid Statnik, Jan Kliman
	dalši:	Marja Michałkowa
nawoda wuběrka:		
naměstnik nawody:		
zamołwita ze zarjada:		Katrin Suchec-Dźisławkowa

2. Wuběrk za wudźěłanje namjeta za wysokosć mytowanjow Domowiny

doba skutkowanja:		hač do 12/2025
zestawa wuběrka: (min. 5)	ZP:	Dawid Statnik, Franciska Albertowa, Hartmut Leipner
	dalši:	Leńka Thomasowa, Zala Cyžowa
nawoda wuběrka:		
naměstnik nawody:		
zamołwity ze zarjada:		Clemens Škoda

3. Wuběrk za Dom Měrcína Nowaka-Njehorńskeho

doba skutkowanja:		hač do 12/2025
zestawa wuběrka: (min. 5)	ZP:	Beno Bělk, Roman Dźisławk
	dalši:	Leńka Thomasowa, Florian Kießlich, Kito Hendrich, Juliana Kaulfürstowa, Clemens Škoda, Judit Šolćina
nawoda wuběrka:		
naměstnik nawody:		
zamołwita ze zarjada:		Jadwiga Bryckec



Džělowe směrnicy w dobje 2025 – 2027 *ze zamołwitosćemi zarjada*

Předślowo k džělowym směrnicy

Džělowe směrnicy Domowiny konkretizuja powšitkowne zaměry programa za dwulětnu dobu hač do přichodneje hłowneje zhromadźizny w lěće 2027. Wone su so na 23. hłownej zhromadźiznje Domowiny schwalili a tworja zakład za džělawosć wolenych gremijow třěšneho zwjazka. Rozprawa wo zwoprawdženju džělowych směrnicy předpołoža so hłownej zhromadźiznje w lěće 2027. Zwoprawdženje tutych směrnicy koordinuje zwjazkowe předsydstwo z pomocu swojeho prezidija, džělowych wuběrkow a zarjada. Župy a čłonske towarstwa/zwjazki smy do wudžěłanja směrnicy zapřijeli.

I. Zwjazk Łužiskich Serbow

Domowina – Zwjazk Łužiskich Serbow – je zastupjerka zajimow serbskeho luda. Jeje čłonske župy, skupiny a towarstwa su nošerjo towaršnostneho žiwjenja w Serbach. Jich džěło podpěrać je nam bytostny nadawk. Aktiwne sobudžěło jednotliwcow, towarstwow, župow a organow Domowiny při zwoprawdženju wobzamknjenjow Domowiny je zakład za wuspěšne skutkowanje třěšneho zwjazka. Zhromadnje wabimy za skutkowanje w Domowinje. Kóždy, hač jednotliwec abo towarstwo, je nam jako čłon třěšneho zwjazka witany. Zakład za zhromadne džěło tworja wustawki a program Domowiny.

1. Domowina spěchuje kulturu mjezsobneho respekta a zasadźuje so za zwjazanosć w našej towaršnosći. We Łužicy pozbudźujemy ludźi, serbsce w zjawnosći rěčeć. Wuwiwanje a skrućenje serbskeje identity a serbskeho wědomja, wosebje pola młodostnych, podpěrujemy z wotpowědnymi napravami. Wot namocy, diskriminacije abo ščuwańcy potrjechenym poskićujemy našu podpěru a pomoc.
projektny management – prawicarstwo, wšitcy
2. Za spěchowanje mjezsobneje wuměny župow a čłonskich towarstwow Domowiny přewjedže předsyda Domowiny dwójce wob lěto zarjadowanje ze županami a předsydami.
referentka za nutřkowe naležnosće
3. Z načasnym wonkownym wustupowanjom wabi Domowina wšitkich zajimcow, wosebje tež dorost, do zhromadneho džěła za přichod Serbow pod třěchu Domowiny – wšojedne hač čestnohamtsce abo hłownohamtsce.
referentka za zjawnostne džěło
4. Domowina, jeje župy a towarstwa, haja styki k přećelam Serbow w słowjanskim wukraju, k potomnikom Serbow w tu- a wukraju kaž tež narodnym mjeńšinam w Europje. W tutym wobłuku měli so lětnje na 20 interakcijow přewjesć.
referent za kulturne naležnosće a wukraj
5. Z Mytom Domowiny, Čestnym znamješkom, Mytom Domowiny za dorost a ze “Serbskim dudakom” počesći Domowina kóždy lěto wosoby za wuznamne čestnohamtske skutkowanje na wšěch polach narodneho džěła.
referent za kulturne naležnosće a wukraj

II. Politiske zastupnistwo

Domowina zastupuje zajimy serbskeho luda. Tute zastupnistwo je do serbskeju zakonjow kraja Braniborska a Swobodneho stata Sakska zapisane. Wona stara so wo rozšěrjenje prawow a winowatosćow za sobu- a samopostajowanje, předewšěm w serbskich politiskich, kulturnych a kubłanskich naležnosćach. Jednamy ze wšěmi demokratiskimi akterami na komunalnej, krajnej, zwjazkowej kaž tež europskej runinje. Wudźeržujemy styki k narodnym mjeńšinam a druhim ludam. Při tym je nam wažne, wědu wo Serbach we Łužicy a zwonka njeje dale šěrić.

1. Domowina zasadźuje so za to, zo byštej so programaj z koalicijskeju zrěčenjow Sakskeje a Braniborskeje nastupajo serbske naležnosće zwoprawdźi. Dale zasadźuje so za přesadjenje politiskich žadanjow Serbow, kotrež je Domowina krajnymaj sejmomaj sposrědkowała.
referent za gremijowe dźěło, referenća
2. Domowina stara so wo to, zo so politiske žadanja za serbske šulstwo w Sakskej, kotrež je zwjazkowe předsydstwo 2024 na namjet Serbskeho šulskeho towarstwa schwaliło, realizuja.
referentka za kubłanje a dorost
3. Domowina zasadźuje so w Sakskej za to, zo so kubłanski koncept 2plus do wotpowědného postajenja zapřija a zwoprawdźi.
referentka za kubłanje a dorost
4. Domowina formuluje jako rěčnica zajimow Serbow politiske stejišća a je po potrebjě z dalšimi gremijemi wothłosuje (na př. ze Serbskimaj radomaj w Braniborskej a Sakskej, ze Załožbowej radu a Mjeńšinowej radu).
referent za gremijowe dźěło, referenća, jednaćelstwo
5. Domowina je aktiwny člon Mjeńšinoweje rady Němskeje a wothłosuje so w tutej ze zastupjerjemi tamnych narodnych mjeńšin. W nadawku Mjeńšinoweje rady wobhospodari Domowina jako nošer Mjeńšinowy sekretariat w Berlinje.
referent za gremijowe dźěło, jednaćelstwo
6. Domowina stara so wo to, zo so serbske zajimy na zwjazkowej runinje wobkedźbuja. Wosebjě pak zasadźuje so za zaručenje trěbného zwyżjenja financnych srědkow w nowym financnym zrěčenju za Załožbu za serbski lud.
referent za gremijowe dźěło, jednaćelstwo
7. Jako zastupjerka zajimow Serbow sposrědkuje Domowina serbske pozicije na mjezynarodnej, zwjazkowej, krajnej, regionalnej a komunalnej runinje. Za to powołuje zastupjerjow Serbow do wotpowědných gremijow a přijimuje prawidlownje rozprawy wo jich dźěławosći.
referent za gremijowe dźěło, referentka za nutřkowe naležnosće, referenća regionalne rěčnicy na komunalnej runinje
8. Domowina je nošerka Serwisoweho běrowa za serbsku rěč w komunalnych naležnosćach. Wona zasadźuje so za dołhodobne zawěšćenje tuteje poslužby kaž tež serbskeho komunalneho programa.
serwisowy běrow, jednaćelstwo
9. Domowina wudźěła sej přehlad wo komunach w serbskim sydlenkim rumje a z kotrymi napravami tute serbsku rěč spěchuja. Domowina je partnerka wšitkim komunam při spěchowanju a rewitalizaciji serbskeje rěče.
regionalne rěčnicy, serwisowy běrow
10. Domowina zastupuje z aktiwnym dźěłom w organizacijomaj FUEN a MENS serbske zajimy na europskej runinje. Wona je mj. dr. člonka w słowjanskej, kubłanskej kaž tež non-kin-state skupinje FUEN.

jednačelstwo, referenća, referent za gremijowe džěło

11. Domowina je člonka organizacije CIOFF a haji kontakty k dalším kulturnym čělesam a organizatoram folklornych festiwalow. Wobdžělenje na zarjadowanjach CIOFF a jeje němskeje sekcije kaž tež třěbne přidžěła zarjad Domowiny zaruča.

referent za kulturne naležnosće a wukraj

12. Domowina zasadźuje so zaměrnje za to, zo so na Braniborskej techniskej uniwersiće Choćebuz-Zły Komorow studij wučerstwa za serbsčinu za delni schodženik zarjaduje.

referentka za kubłanje a dorost

III. Škit a wozrodženje serbsčiny

Serbsčina je nam najdrohotniše džědžinstwo našich přjedownikow. Jeje pěstowanje, škit a wozrodženje je nam najwažniši nadawk. Pozbudźujemy swójbny k pěstowanju serbsčiny. Zasadźujemy so za zwoprawdženje efektiwnych, rěč spěchowacych naprawow za wšitke generacije, wosebje w pěstowarnjach a šulach. Přewjedžemy a podpěramy naprawy k wožiwnjenju serbsčiny wšudže tam, hdžež wona tuchwilu kruty wobstatk zjawneho žiwjenja njeje. Wutworjenje nowych rěčnych rumow je wažny wobstatk našich prócowanjow.

1. Jako Domowina dźiwamy na to, zo we wšědnej komunikaciji, w našich gremijach a na posedženjach serbsčinu jako jednansku a wobchadnu rěč wužiwamy.

wšitcy, jednačelstwo, referentka za nutrkowne naležnosće

2. Domowina z Rěčnym centrumom WITAJ kooperuje ze župami a kubłanišćemi při wuhotowanju swójbnych a rěč spěchowacych zarjadowanjow a naprawow.

RCW – wotriad rěčny marketing, wědomostne džěło a projekty, regionalne rěčnicy

3. Domowina z Rěčnym centrumom WITAJ wukonja jako připóznata nošerka młodžinskeje pomocy a na zakładze zrěčenjow z wokresomaj Budyšin a Zhorjalc socialne młodžinske džěło. Jako nošer internatow serbskeju gymnazijow w Choćebuzu a Budyšinje skići RCW šulerjam druhe doma a serbowacu zhromadnosć.

Rěčny centrum WITAJ – nawodnica

4. Rěčny centrum WITAJ analyzuje w Delnjeje Łužicy přechad džěci z pěstowarskich WITAJ-skupinow do zakładnych šulow z bilingwalnej wučbu. Na tutym zakładze wudžěluje RCW strategiske naprawy a konkretne namjety za efektiwnu wuhotowanje w předšulskej lěće.

Rěčny centrum WITAJ DŁ – wotriad rěčny marketing, wědomostne džěło a projekty

5. Domowina je partnerka za wšitke kubłanišća ze serbskimi poskitkami. Wona je w šulskich konferencach wšitkich šulow ze serbskim poskitkom w serbskim sydlenkim rumje poradźowaca člonka a wobkedžbuje jich serbske zajimy.

Rěčny centrum WITAJ – wotriad rěčny marketing, wědomostne džěło a projekty, referentka za kubłanje a dorost

6. Domowina podpěruje zwoprawdženje kaž tež dalepisanje Druheho krajneho plana k skrućenju delnjoserbskeje rěče kraja Braniborskeje a Druheho plana naprawow Sakskeho statneho knježerstwa k pozbudžowanju a wožiwnjenju wužiwanja serbskeje rěče. Za zwoprawdženje planow stej knježerstwe zamołwitej.

referent za gremijowe džěło, referentka za kubłanje

7. Domowina koncentruje so při rěčnym planowanju wosebje na sposrědkowanje serbsčiny kaž tež statusowe planowanje:

- Domowina angažuje so w Delnjeje Łužicy za projekt “Zorja”. W Sakskej je Domowina nošer projekta ZARI - Syće za regionalnu identitu a serbsku rěč.

ZARI (nawodnica projektoweje koordinacije) a Zorja, jednačelstwo

- Rěčny centrum WITAJ wuwiwa přeložowanski program sotra.app za delnjo- a hornjoserbsčinu wobstajnje dale. Při tym wusměri so na to, sotra.app z funkciju rěčneho spóznananja a předčitanja zwjazać.
Rěčny centrum WITAJ – nawodnica a projektowaj koordinatoraj
 - Rěčny centrum WITAJ wudžěluje certifikaciju hornjo- a delnjoserbskich rěčnych kmanosćow po Zhromadnym europskim referencnym ramiku za rěče, zo by so wosebje status serbskeje rěče zwyżił.
Rěčny centrum WITAJ – HŁ a DŁ wotrjad rěčny marketing, wědomostne džěło a projekty
8. Domowina angažuje so na politiskej runinje za dalewuwiće nošneje struktury za dołhodobne přewjedženje serbskich digitalizaciskich projektow.
referent za kulturu a wukraj, nawoda rěčneho kubłanja
 9. Domowina poskičuje praktiki, přewod zakónčacych džěłow a džěło na honorarowej bazy za wšitke generacije. Dale rozšěrja swoje zwonkašulske serbske poskitki za džěći we wuskej kooperaciji z třecimi.
referentka za kubłanje a dorost, regionalne rěčnicy, RCW, jednaćelstwo
 10. Domowina poskičuje maćernorěčnym kaž tež wuknjacym čłonam Domowiny dalekubłanja w serbsčinomaj na polu stilistiki abo literarneje rěče. Zdobom wuwiwa móžnosće dalších rěčnych kursow we wšelakich formach a intensitach.
Rěčny centrum WITAJ HŁ a DŁ – wotrjad rěčny marketing, wědomostne džěło a projekty, regionalna rěčnica, nawoda rěčneho kubłanja ZARI
 11. Domowina přewodźuje monitoring rěčneho stawa šulerjow w hornjoserbsčinje (output) kaž tež monitoring podateje wučby delnjoserbsčiny (input).
Rěčny centrum WITAJ HŁ a DŁ – wotrjad rěčny marketing, wědomostne džěło a projekty

IV. Kultura a sport, wumělstwo a wědomosć

Kulturne džěło, sportowe hibanje, wumělstwo a wědomosć su wažne stołpy serbskeho žiwjenja a džěławosće třěšneho zwjazka. Zdobom su akterjo na tutych polach pósłancy našeho luda we Łužicy a zwonka njeje. Podpěramy wuměnu wosebje ze słowjanskim wukrajom a druhimi narodami. Spěchujemy zhromadne džěło serbskich institucijow z čestnohamtskimi akterami. Zhromadne projekty institucijow wobohaćeja kulturne žiwjenje w Serbach.

1. Domowina spēchuje zachowanje a pěstowanje serbskich nałožkow. Domowina zesylnja widžomnosć bohatosće tutoho herbstwa přez naprawy, kaž na př. aktiwne wobdžělenje w projekće UNESCO 5 – herbstwo Łužicy / derbstwo Łužicy.
referent za kulturu a wukraj, referent za hospodarstwo a infrastruktura, regionalna rěčnica
2. Domowina wuwiwa a podpěruje naprawy nastupajo imaterielneho kulturneho herbstwa (IKH), kotrež spēchuja wotpowědne struktury a zrozumjenje za IKH jako zakładny wobstatk serbskeje kultury. Z tym skrući so w serbskim ludže wědomje jako nošer IKH. Zdobom šěri so widžomnosć serbskeje žiweje kultury. Swjedženje a nałožki Łužiskich Serbow w kołoběhu lěta su hižo wot lěta 2014 wobstatk imaterielneho kulturneho herbstwa Němskeje. Dlěšodobnje pruwuje so na tutym zakładze tute tež do wotpowědneje UNESCO-lisčiny zapisać dać.
referent za kulturu a wukraj
3. Jako třěcha župow a towarstwow přewjedže a zamołwi Domowina serbske zarjadowanja, kiž słuža spēchowanju a skrućenju serbskeje identity a zhromadnosće kaž tež mjezsobnej wuměnje. Wona přewodźuje akterow a organizatorow při přihotach a přewjedženju zhromadnych zarjadowanjow serbskich institucijow a towarstwow. Mjez druhim přewjedže abo organizuje
 - lětnje 10 nazymskich koncertow,

- XV. Mjezynarodny folklorny festiwal Łužyca – Łužica wot 26.6. do 29.06.2025,
- 10. Mjezynarodny festiwal dudakow wot 19.06. do 21.06.2026,
- přihoty za wobdźělenje serbskeju mustwow na EUROPEADŽE, kotraž wotměje so 2028 w regionje Friaul-Julisch Venetien w Italskej.

projektny management, referent za hospodarstwo, referent za kulturu a wukraj, regionalne rěčnicy

4. Regionalne muzeje, domizniske stwy a městnosće zetkawanja a wopominanja pokazuja na žiwe serbske stawizny. Jich dalše wobstaće je nam jara ważne. Domowina nadžěła zhromadnje z partnerami a nošerjemi analyzu a perspektiwu za zesylenje a rěčne wuwice małych muzejow a domizniskich stwow.

ZARI – posrědnica kultury za wobłuk muzeje a domizniske stwy, regionalne rěčnicy, referent za kulturu a wukraj

5. Domowina podpěruje organizatorisce wuměnu mjez serbskimi sportowymi jednotkami. Nazhonjenja serbskeje zhromadnosće přisporjeja skrućenje narodneho wědomja. Domowina rjaduje wobdźělenje serbskich wubrankow na sportowych zarjadowanjach.

ZARI – posrědnik kultury za wobłuk sport, (referent za kulturu a wukraj)

V. Nabožno-narodne žiwjenje

Bohate namrěwstwo nabožno-narodnych tradicijow a nałožkow je wobstatk žiwjenja mnohich Serbow, tež za přichodne generacije. Jich aktiwne pěstowanje je wažny zakład za wutworjenje a skrućenje tež narodneho wědomja. Wosady su njeparujomne serbske rěčne rupy, socialne syće a domizna za žiwu wěru Serbow.

1. Domowina podpěruje serbskich katolskich a ewangelskich křesćanow při přewjedženju nabožno-narodnych předewzaćow.
2. Domowina podpěruje serbskich křesćanow při jich prócowanjach, zo bych so narodne zajimy a zachowanje serbskich rěčnych rumow w cyrkwinskih strukturach wobkedźbowali.
3. Domowina wothłosuje sej zhromadne dźěło w nabožno-narodnych naležnosćach z ewangelskimi a katolskimi wosadami w serbskim rěčnym rumje, z Towarstwom Cyrila a Metoda z.t. (TCM), ze Serbskim ewangelskim towarstwom z.t. (SET) a ze Spěchowanskim towarstwom za serbsku rěč w cerkwi z.t.

referentka za nutřkowe naležnosće, regionalne rěčnicy, jednaćelstwo

VI. Łužica jako hospodarski rum

Hospodarstwo je rjap Łužicy a wobwliwuje njeposrědnje socialne połoženje našeje domizny a serbskeho luda. Ze spěchowanjom serbskeje rěče a kultury zwyżimy atraktiwitu regiona. Wosebje dwu- a wjacerěčnosť je za lužiske předewzaća dobytk. Podpěrujemy naprawy, kotřež pohnuwaja regionalne gospodarstwo k wužiwanju serbsčiny. Zasadźujemy so za kooperaciju Łužicy z hraničnymi kónčinami Pólskeje a Čěskeje. Wuprajamy so za lahodny turizm, kotryž zmóžnja hosćom serbsku kulturu we Łužicy zeznać.

1. Domowina podpěruje towarstwo Serbski kulturny turizm w prócowanju wo dalši wutwar eksistowacych kolesowarskich šćežkow "Serbske impresije" mjez Hornjej a Delnjej Łužicu. Zdobom měli so tute k zwisowacej syći zwjazać a jako kulturno-rěčne šćežki kwalifikować. Na polu turizma maja so kontakty k turistiskim zwjazkam Sakskeje a Braniborskeje wutwarić.

referent za gospodarstwo a infrastrukturu

2. Domowina přewjedže w kooperaciji z regionalnymi předewzaćemi sympozij k tematicce spěchowanja serbskeje rěče a kultury.
referent za hospodarstwo a infrastrukturu
3. Domowina spožči "Myto za hospodarstwo" jako připóznače za přikładne spěchowanje serbskosće w hospodarstwje.
referent za hospodarstwo a infrastrukturu
4. Domowina podpěruje serbske šule při organizowanju a přewjedženju powołanskich wikow, zo bychy šulerjo serbske předewzaća a serbske institucije zeznali.
referentka za kubłanje a dorost, referent za hospodarstwo a infrastrukturu, regionalna rěčnica
5. Domowina zestaji přehlad wo předewzaćelach, kotřiž spěchuja serbskosć w hospodarstwje.
referent za hospodarstwo a infrastrukturu

VII. Łužica – naša domizna

Łužica je srjedzišćo a domizna Serbow. Zasadžamy so za to, zo by so serbskosć w sydlenkim rumje dale zesylniła a wuwijała. Dźiwamy na zaměrne zapřijeće serbskeje rěče a kultury do regionalneho, komunalneho a krajneho planowanja. Lětsotk trajace wudobywanje brunicy zawostaji serbskemu ludej wulke straty. Proces strukturneje změny skića nam nowe perspektiwy za wozrodženje a spěchowanje serbskeje rěče a kultury.

1. Domowina šěri wědu wo sebi a wabi za dźěło třěšneho zwjazka. Wona nawjazuje direktny kontakt k zajimcam a hosćom, informuje přez wšelake socialne syće, informaciske brošury, lětaki abo wabjenske artikule. Nimale tydžensce sposrědkuje zdžělenki wo swoim skutkowanju regionalnym a nadregionalnym medijam. W tutej legislaturnej dobje leži fokus na nowym wonkownym wobrazu wudžělkow kaž tež na modernizowanju webstrony a jeje poskitkow.
referentka za zjawnostne dźěło
2. Ze skupinskej, towarstwowej a župnej pawšalu podpěruje Domowina serbske kulturne žiwjenje, nałožki a zarjadowanja po cyłej Łužicy, zo by serbske rěčne rумы skrućiła a rozšěriła.
referent za hospodarstwo a infrastrukturu
3. Domowina wutwori z pomocu podpěraćelow a multiplikatorow dwurěčnu normalitu we Łužicy a skrući serbsku identitu z tym, zo zwyżi akceptancu widžomneje a slyšomneje serbsčiny přez wužiwanje serbskich značkow a dwurěčných popisanjow, kaž tež konsekwentne nałožowanje serbsčiny w zjawnosći.
referentka za zjawnostne dźěło, regionalne rěčnicy, ZARI – wjednistwo, wšitcy
4. Hdyž so nowe wulkozawody a projekty we Łužicy zasydla, dyrbi so analiza kulturneje znjesliwosće za škit a zdžerženje serbskeje rěče a kultury w regionalnym, komunalnym a krajnym planowanju přewjesć.
referent za hospodarstwo a infrastrukturu

Wšitke wočakowanja bazuja na mjeńšinoprawniskim zakładže, kotryž wotblyšćuje so w dojednanjach na europskej runinje kaž tež w zakonjach na zwjazkowej a krajnej runinje.

Budyšin, 10.05.2025